



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1541. usque ad annum 1546

Fleury, Claude

August. Vind. [u.a.], 1770

VD18 90118510

§. 125. De remedio horum malorum.

[urn:nbn:de:hbz:466:1-66615](#)

Sæcul. XVI. *Baptismi efficacia liberari.* Postremo duo
A.C. 1546. *hac in re cavenda præmonuit; alterum,*
ne sinistra induceretur persuasio de divina
Iustitia, dum in infantibus culpam alienam
punit: alterum, ne poena eo usque attenua-
retur, ut citra necessitatem Dei Filius ad nos
ab ea redimendos advenisse videatur: eos for-
tasse hic Præful denotabat, qui arbitran-
tur, satis esse virium in corrupta natura di-
universam Legem observandam; vel etiam
carpebat Ambrosium Catharinum, præ-
sentem tunc temporis in Concilio, qui
infantibus in Limbo naturalem vitæ felici-
tem assignat.

§. CXXV.

De remedio horum malorum.

Pallav. n.8. *In alia quadam Congregatione ageba-*
tur de remedio contra mala per ori-
ginale peccatum inducta, ubi omnes una-
nimi consensu illud esse Baptismum af-
fimarunt, idque allatis sacræ Scriptu-
ræ testimoniis comprobarunt: cum au-
tem variæ, diversique generis cauſæ
producant eundem hunc effectum, ean-
demque sanationem, hinc præter Ba-
ptismum, etiam mors ac merita Chri-
sti, quæ aquæ vitali omnem vim tribu-
unt, inter ejusmodi cauſas recenseban-
tur, nec minus illis annumerabatur gra-
tia, qua sancti efficimur. Insuper Sy-
racusanus Antistes fidem quoque reli-
quis

quis caussis adjiciendam censebat, cum ^{Sæcul. XVI.}
id Christi Domini verba significant, qui ^{A.C. 1546.}
crediderit, & baptizatus fuerit, hic salvus
erit. Huic etiam Seripandus suffraga-
tus est, multumque interioris fidei effi-
caciā exaggerabat, illamque exterio-
ris ablutionis virtute superiorem esse a-
jebat: Verum plures huic opinioni ad-
versabantur, ac ne quidem in Decreto
mentionem de fide fieri petebant, cum
hæc in parvulis ad delendum originale
peccatum haud necessaria esset. Postea
hæc Baptismi vis ad tollendam totam
peccati maculam adversus recentes hæ-
reticos innumeris ferme sacræ Scriptu-
ræ, Conciliorum, sanctorumque Patrum
testimoniis fuit comprobata.

§. CXXVI.

*De concupiscentia post Baptismum
remanente.*

Cum autem Lutheri Sæctatores vehe-
mentem hanc pronitatem ad ma-
lum, quæ concupiscentia appellatur, ni-
hil aliud, quam ipsum peccatum origi-
nale esse contenderent, illudque in par-
vulis adhuc remanere affirmarent, eo-
quod ipsa etiam concupiscentia post Ba-
ptismum adhuc remaneat, hinc Syno-
di Pâtres perversam hanc doctrinam im-
pugnare, totis viribus adlaborabant, ac

Pp 2 præ-